

在正治國時以如是等種種衆寶嚴飾之座或施正覺諸善知識及賢聖僧聞法歡喜奉施法師供養父母諸尊重者聲聞緣覺一切菩薩乃至初發大乘心者及以一切諸佛塔廟或施無量貧窮下劣有所須欲皆給施之布施座時如是迴向以此善根令一切衆生得菩提座自然覺悟諸佛正法令一切衆生得自在座具足成就於法自在諸金剛山所不能壞悉能降伏一切諸魔令一切衆生得佛自在師子之座一切衆生藥觀無獸令一切衆生得不可說不可說清淨莊嚴殊妙之座成法自在普化衆生令一切衆生得殊勝座三種世間所不能壞廣大善根及善根具皆悉清淨令一切衆生得高廣座充滿不可說不可說世界諸佛如來於阿僧祇劫數不能盡令一切衆生處大智人座一身充滿一切法界令一切衆生得不可思議寶莊嚴座隨其本願所請衆生廣開法施令一切衆生

皆悉得坐淨妙法座於不可說諸世界中顯現如來自在神力令一切衆生坐一切寶座一切香座一切華座一切衣座一切鬢座一切摩尼寶座不可思議淨琉璃座無量不可說世界座淨一切衆生莊嚴座離諍座處此座上覺悟如來一切種智示現諸佛功德境界是爲菩薩摩訶薩施種種座時善根迴向令一切衆生得無所著菩提之座自然覺悟一切佛法

十七

朝五

大方廣佛華嚴經卷第十七

大方廣佛華嚴經卷第十八 朝六

東晉天竺三藏佛陀跋陀羅等譯

金剛幢菩薩迴向品之四

菩薩摩訶薩施種種蓋所謂尊重人蓋種妙寶而莊嚴之於無量無邊嚴飾蓋中最爲第一衆寶爲竿金網羅覆雜寶瓔珞

周而垂下懸眾寶鈴淨琉璃珠微動相扣出和雅音白淨寶網而交絡之百千清淨衆雜寶網羅覆其上無量百千億雜寶莊嚴無量億那由他沉水栴檀堅固香熏闇浮檀金清淨莊嚴如是等無量阿僧祇那由他蓋以離惡心廣大心放捨心而行布施或以奉獻現在諸佛及涅槃後供養塔廟爲求法故奉施菩薩諸善知識或施法師或施父母或施衆僧或復奉施一切佛法或施種種福伽羅福田或施師長及諸尊重或施初發菩提心者或施一切貧窮下劣諸有所求皆悉施與菩薩摩訶薩布施蓋時如是迴向以此善根令一切衆生爲善根所覆又爲一切諸佛蔭護令一切衆生爲智慧功德之所覆護除滅世間諸煩惱怖令一切衆生覆以淨法除滅一切塵勞熱惱令一切衆生悉得如來內智慧藏一切衆生樂觀無厭令一切衆生以寂靜白法而自覆護悉得究竟不壞佛法令一

切衆生得善覆身究竟如來清淨法身令一切衆生悉爲一切而作覆蓋十力智慧並覆世間令一切衆生得隨樂智慧皆悉出過一切世間清淨明達無所染著令一切衆生得應供蓋成勝福田受一切供令一切衆生得最上蓋自然覺悟無上智蓋是爲菩薩摩訶薩布施蓋時善根迴向今一切衆生受持法自在蓋以一功德蓋普覆一切法界虛空界等一切世界示現諸佛神力自在以一功德蓋莊嚴法界供養諸佛妙旛幢蓋普覆十方一切如來令一切佛刹種種寶蓋而以莊嚴令一切衆生皆悉樂求無上菩提以無上蓋普覆衆生令一切衆生以不可說不可說一切衆寶莊嚴妙蓋供養一佛供養一切諸佛亦復如是令一切衆生自然覺悟得最正覺功德高廣微妙之蓋普覆諸佛令一切衆生以種種寶蓋供養法界虛空等界一切世界諸佛令一切衆生以種種摩尼寶蓋諸寶瓔

珞周而垂下以爲莊嚴一切堅固香蓋清淨雜寶而以莊嚴極大高廣以白淨寶網羅覆其上以金鈴網周而懸之自然演出微妙音聲以如是等無量不可數蓋供養諸佛令一切衆生得無礙智蓋普覆十方一切諸佛令一切衆生得最勝智蓋普覆衆生令一切衆

生得佛功德莊嚴敵寶蓋普覆衆生令一切衆生皆悉具足清淨大願諸佛功德令一切衆生得不思議清淨心寶令一切衆生滿足諸法自在之智令一切衆生以諸善根普覆衆生令一切衆生得無上智蓋普覆衆生令一切衆生得十力蓋普覆衆生令一切衆生以一佛刹悉能普覆一切法界令一切衆生悉於諸法而得自在令一切衆生得心自在令一切衆生智慧勝廣令一切衆生以無量功德悉能普覆一切衆生令一切衆生以諸功德而覆其心令一切衆生以平等心普覆一切令一切衆生以大智慧等覆一切令一切

衆生具大迴向令一切衆生滿足清淨正直之心令一切衆生意根清淨是爲菩薩摩訶薩施種種蓋時善根迴向令一切衆生皆悉成就最大迴向普覆攝取一切衆生菩薩摩訶薩布施種種清淨幢幡無量雜寶以爲其竿種種寶繒以爲垂幡種種雜綵周而垂下

朝六

三

白淨寶網羅覆其上金鈴寶網以爲莊嚴微風吹動出和雅音無量無數億那由他諸妙幢幡以爲眷屬雜寶繒綵懸以爲飾半月寶像闍浮檀金出大光明如日普照嚴飾寶幢周遍大地以一切世界隨樂業報莊嚴彼幢安住一切虛空法界等諸如來刹菩薩摩訶薩於諸世界隨其所樂普施妙幢令發正直菩提之心或施現在一切諸佛或施塔廟或施法寶或施僧寶或施善知識或施菩薩或施聲聞或施緣覺或施大衆或施福伽羅或施貧人諸來求者普施無遺菩薩摩訶薩施幢幡時如是迴向以此善根令一切衆生建

立一切善根功德幢幡不可毀壞令一切衆生建立一切諸法自在幢幡守護正法令一切衆生護正法寶守持諸佛菩薩深法令一切衆生建立高顯功德寶幢然智慧燈普照衆生令一切衆生成不壞幢幡降伏一切諸魔惡業令一切衆生皆悉建立智力幢幡一

切諸魔所不能壞令一切衆生得大智慧那羅延殊勝幢幡摧滅一切世間幢幡令一切衆生建立解脫慧光圓滿日幢智慧具足普照法界令一切衆生得智慧莊嚴幢幡充滿一切諸佛世界建不可說勝妙幢幡供養十方一切諸佛令一切衆生得如來幢幡摧滅一切九十六種諸邪見幢是爲菩薩摩訶薩施幢幡時善根迴向令一切衆生建立高廣甚深菩薩行幢建一切菩薩自在行幢得清淨道菩薩摩訶薩開衆寶藏行布施時如是迴向以此善根令一切衆生常見佛寶捨離愚癡修行正念令一切衆生得法寶明照護持一切諸

佛法藏令一切衆生攝取僧寶離慳行施充滿其意令一切衆生得薩婆若心寶於清淨菩提心不退轉令一切衆生度智慧寶求離愚癡究竟佛法令一切衆生成就菩薩諸功德寶演說無量智慧妙寶令一切衆生讚歎無量功德之寶修十力智得正覺寶令一切衆

朝六

四

生得十六智寶三昧正受究竟增廣智慧之寶令一切衆生成就第一福田之寶覺悟如來無上智寶令一切衆生成增上寶無盡辯藏演說法寶是爲菩薩摩訶薩施衆寶時善根迴向令一切衆生具足究竟無上知寶得佛無礙清淨眼寶菩薩摩訶薩捨莊嚴具惠施衆生所謂一切身莊嚴具支節莊嚴具令身清淨莊嚴具無狀足莊嚴具雜寶交飾莊嚴具如是等種種無量億那由他莊嚴之具布施一切善根迴向令一切衆生身淨莊嚴等觀一切猶如一子超出世間得佛智樂調伏衆生使樂深法安住一切諸佛法中令一

切衆生莊嚴人天悉以清淨智慧而自嚴飾
令一切衆生身淨莊嚴功德相門清淨具足
令一切衆生妙相嚴身百福具好以自莊飾
令一切衆生身相具足以諸相好而自莊嚴
令一切衆生言辭莊嚴皆悉具足無盡辯藏
令一切衆生以諸功德莊嚴音聲梵音清淨

微妙具足令一切衆生皆悉志樂佛法莊嚴
聽受正法諸佛歡喜令一切衆生以心莊嚴
而自莊嚴令佛三昧普見諸佛令一切衆生
以諸陀羅尼莊嚴而自莊嚴得佛法明見諸
佛法令一切衆生以平等智莊嚴其心以如
來智莊嚴法身是爲菩薩摩訶薩惠施一切

朝六

五

莊嚴具時善根迴向令一切衆生於無量佛
法功德智慧莊嚴滿足令一切衆生捨離自
大橋慢放逸菩薩摩訶薩爲灌頂大王威力
自在布施天冠髻中明珠給施一切攝取衆
生長養施心以施熏心向增上施以施修慧
施修捨根施修廣覺菩薩摩訶薩施髻中明珠

時如是迴向以此善根令一切衆生善受一
切智灌頂法王令一切衆生具足頂相獲勝
智頂得到彼岸令一切衆生得勝智寶究竟一
切功德之頂令一切衆生悉得安住智慧寶
頂堪受一切敬心頂禮令一切衆生皆悉冠
冕智慧天冠於一切法而得自在令一切衆
生以智慧明珠而繫其頂一切世間無能見
頂令一切衆生皆堪受敬心頂禮具足烹頂
照明佛法令一切衆生成十力冠以冠其頂
智慧海藏清淨具足令一切衆生安住最上
大地帝王摧諸魔頂成最正覺究竟具足如
來十力令一切衆生成勝頂王得一切智頂

最勝光明是爲菩薩摩訶薩捨天冠明珠善
根迴向令一切衆生勝妙智慧皆悉清淨得
淨智慧摩尼寶冠菩薩摩訶薩見牢獄衆生
受諸楚毒或縛或打閉在幽冥枷鎖拷掠
流血飢渴難忍裸形羸瘦被髮覆身受無
量苦無能救者菩薩摩訶薩見如是等苦衆

生已或捨財寶妻子眷屬或捨己身於彼獄中救苦衆生如大悲菩薩善眼王菩薩摩訶薩於彼獄中出衆生已隨其所須而給施之或以醫藥呢術令彼安隱先令歡喜復爲說法皆悉安立不放逸善根於正覺法心不退轉菩薩摩訶薩救獄人時如是迴向以此善根令一切衆生解脫愛縛令一切衆生斷生死流到智慧彼岸令一切衆生滅除癡冥得明淨智拔衆使根離諸塵垢令一切衆生斷三界縛得一切智令一切衆生永滅結漏得離煩惱地無礙智慧皆悉究竟到於彼岸令一切衆生離愛慢縛究竟成就離愛慢慧令

朝六

六

一切衆生脫諸欲縛永離一切世間貪欲住諸世間無所染著令一切衆生得清淨深心常爲諸佛之所守護令一切衆生得無著無縛心廣大如法界究竟如虛空令一切衆生得菩薩神足遍遊諸刹調伏衆生捨離世間安住大乘是爲菩薩摩訶薩救苦衆生善根

迴向令一切衆生究竟如來智慧之地菩薩摩訶薩見送獄囚趣於死地五種繫縛憂惱切心命在須臾衆人圍繞捨閻浮提一切樂具求離親愛漸之死地或以木貫置高標上或以刀割或以火焚或纏身油灌以火燒之受如是等無量諸苦菩薩摩訶薩見如是已自捨身命救彼苦難猶如持來菩薩勝進王菩薩等諸大菩薩自捨己身受衆楚毒以救衆生作如是言我當捨身以代彼命設使苦痛過彼無量悉當代受令其解脫復作是念見如是苦而不代受爲失大利何以故我爲衆生故救護衆生故發一切智菩提之心是故捨身以代彼命菩薩摩訶薩救苦人時如是迴向以此善根令一切衆生得無盡身命水離熾然憂悲苦惱令一切衆生依諸佛住受一切智力善提記願令一切衆生殺諸怖畏求離惡道令一切衆生得一切命求入不死智慧境界令一切衆生遠離怨敵值善知

朝六

七

識常共攝護令一切衆生捨離刀杖修行淨業令一切衆生離諸恐怖坐菩提樹下降伏魔軍令一切衆生離大眾恐怖於無上法中得淨無畏大師子吼令一切衆生得無障礙師子智慧行清淨業令一切衆生到無畏處救護一切苦惱衆生是爲菩薩摩訶薩自捨身命救彼死囚善根迴向令一切衆生離生死苦究竟佛樂菩薩摩訶薩見人來乞連膚項髮及髻中明珠菩薩是時歡喜施與如周羅寶王菩薩勝趣菩薩等諸大菩薩有人從乞連膚頂髮及明珠時正心思惟不念餘業離諸卅間專樂寂靜清淨正念一切種智修正直心菩薩尔時手執利刀即割膚髮及髻明珠右膝著地敬心合掌正念三世諸佛菩薩所行發大歡喜直心清淨一切正法充滿意根心不計苦苦者是生滅法是無常法作是念已除滅衆苦歡喜布施善根迴向令一切衆生得無見頂相成就菩薩周羅尊塔令一

切衆生得紺青髮得金剛髮得柔軟髮悉能除滅諸煩惱患令一切衆生得不亂髮得光澤髮令一切衆生得柔軟旋螺髮令一切衆生得右旋髮令一切衆生得佛相髮煩惱結習皆悉除滅令一切衆生髮出大光明普照十方令一切衆生得佛清淨不亂之髮令一

切衆生得應供塔髮除滅惡心見如來髮令一切衆生髮離諸塵垢悉得如來無染著髮是爲菩薩摩訶薩布施頭髮及髻中明珠善根迴向令一切衆生悉得究竟一切陀羅尼諸三昧門一切種智及佛十力菩薩摩訶薩布施眼時如歡喜菩薩滿月王菩薩等無量諸大菩薩布施眼時修施眼心修慧眼心得佛法眼心向無上道心究竟諸通心專求智慧心等三世菩薩修惠施心於乞眼者以愛眼觀以無壞信心而施彼眼因生佛眼增廣善提摩訶衍心大慈大悲調伏六根菩薩摩訶薩修如是心以眼惠施常樂施與建立正法

捨離世間歡樂 放逸眾離五欲樂善提心隨
彼所求悉滿其願長養平等無二布施隨彼
所須悉能施與善根迴向令一切衆生眼得
開明爲世作眼令一切衆生得無障眼開廣
智藏令一切衆生得淨肉眼一切世間無能
壞者令一切衆生得淨天眼悉見衆生死此
生彼令一切衆生得淨法眼能隨順入如來
境界令一切衆生得淨慧眼分別了知一切
世間令一切衆生得淨佛眼悉能覺悟一切
諸法令一切衆生得普淨眼究竟境界無所
障礙令一切衆生除滅癡翳得清淨眼了衆
生界空無所有令一切衆生得無障眼得到

一切衆生常見一切諸佛菩薩自於己身無
所染著隨順正念一切佛法菩薩摩訶薩布
施耳時其心寂靜調伏諸根免濟衆生嶮難
曠野生智慧燈功德成就檀波羅密海施心
成滿知義知法明識諸道得智慧行於法自
在以不堅固身易堅固身菩薩摩訶薩施耳
時如是迴向以此善根令一切衆生得無礙
耳悉能普聞無量法音了達無礙令一切衆
生得無礙耳分別了知無量音聲令一切衆
生得無對耳得佛淨耳令一切衆生得清淨
耳解了一耳根空無所有令一切衆生得廣大
耳皆悉寂靜識無所起令一切衆生得法界
等耳能善聞持一切佛法令一切衆生得無
著耳悉能分別無礙諸法令一切衆生得無
壞耳一切異論無能壞者令一切衆生得周
普耳廣大清淨令一切衆生得天耳佛耳是
爲菩薩摩訶薩布施耳時善根迴向令一切
衆生得清淨耳菩薩摩訶薩布施鼻時清淨

朝六

九

如是迴向以此善根令一切衆生得如來鼻相得善根鼻得愛樂鼻得清淨鼻得隨順鼻得高好鼻得伏忍鼻得如來鼻令一切衆生得端正面門得一切法門得無礙門得善現門得無狀門得清淨門得離惡門得諸如來圓滿面門得一切門得善樂無量門是爲菩

朝六

十

薩摩訶薩布施鼻時善根迴向令一切衆生究竟竟得入諸佛法中令一切衆生攝取十方諸佛正法令一切衆生分別深解諸佛妙法令一切衆生於諸佛法得到彼岸令一切衆生常見諸佛令一切衆生得諸如來無量法門令一切衆生得究竟清淨令一切衆生得佛法明普照諸法令一切衆生得嚴淨佛刹令一切衆生得佛堅固不可壞鼻是爲菩薩摩訶薩布施鼻時善根迴向

菩薩摩訶薩安住自在大王地時能以牙齒布施衆生如華齒王菩薩六牙白象王菩薩布施齒時獲難得心如優曇華清淨施心無盡施心不濁施心無著施心無量施心調伏捨諸根心一切施心一切智願心安隱衆生心成就施心大施心勝施心身之要用牙齒爲最已所寶重衆所歎惜而能惠施諸乞求者菩薩摩訶薩安住此法捨牙齒時如是迴向以此善根令一切衆生得白淨利牙成最勝塔受天人供令一切衆生得佛齊密無間齒相令一切衆生行調伏心進趣菩薩諸波羅蜜令一切衆生口齒清淨顯現明白令一切衆生念莊嚴口牙相成就開現鮮潔令一切衆生含齒四十常出無量清淨妙智香令一切衆生得安住旋牙華色莊嚴能調伏心令一切衆生得清淨牙能放無量億千光明鮮潔圓滿普照十方令一切衆生得徐嚙牙飯入口過粒粒皆碎無所味著爲上福田令一切衆生得勝妙牙放無量色光授菩提記是爲菩薩摩訶薩施牙齒時善根迴向令一切衆生得無礙嚴淨諸法智慧菩薩摩訶薩

若有人來從乞舌時於乞求者柔軟語愛語慈愍心語生撫慰心如善口王菩薩不退轉菩薩及餘無量菩薩摩訶薩等於諸趣中受無量生時有乞舌者先安乞人處師子座捨已舌時以歡喜心不壞心無嫌恨心大心生佛家心建立菩薩家心不濁心勇猛精進心不著自身心無怨敵心以右膝著地出舌示已作柔軟語愛語慈愍心語謂乞者言汝取我舌隨意所用充滿汝意菩薩摩訶薩布施舌時如是迴向以此善根令一切衆生得廣長舌相能出一切具足音聲令一切衆生得覆面舌相所言無二皆悉誠實令一切衆生

朝六

十一

舌能遍覆一切佛刹示現諸佛目在神力令一切衆生得柔軟薄舌宣通清淨第一上味令一切衆生得正語舌有所言說一切歡喜疑網悉除令一切衆生得淨光舌能放不可說百千億那由他光明令一切衆生得決定語善能分別無盡法藏令一切衆生得淨勝

舌善衆言音究竟教化令一切衆生得音聲智善能隨順入語言海令一切衆生善能演說一切諸法於諸語言出生智慧得到彼岸是爲菩薩摩訶薩布施舌時善根迴向令一切衆生得無礙智諸願滿足菩薩摩訶薩若有衆生來乞頭時如無上智菩薩善男子迦葉王菩薩如是等無量諸大菩薩布施頭時欲得一切妙智慧首欲得無上菩提之首救護衆生欲見一切諸妙法首欲具一切淨智慧首欲具一切無礙法首欲具最勝妙首之地欲得勝智慧首一切衆生皆悉愛念欲具智慧正法藏首一切衆生所不能覩欲得十力大智慧王欲得滿足一切諸法自在之首一切世間所不能壞菩薩摩訶薩住是法住則學一切諸佛所學深信諸佛長養善根有來求者充滿其意悉令歡喜菩薩心淨歡喜

能廣大施菩薩布施頭時如是迴向以此善根令一切衆生得如來首一切世間無能見頂於一切處所不能壞出過一切諸世界上項相具足擬髮莊嚴一切世間所未曾有得佛首相嚴勝殊特令一切衆生得智慧首最勝首清淨首具智慧首是爲菩薩摩訶薩布

施頭時善根迴向令一切衆生具足勝法逮得無上大智慧首菩薩摩訶薩施衆生手足如勇猛王菩薩無畏王菩薩如是等無量菩薩摩訶薩於諸趣中無量生處布施手足修信心手常行正法饒益衆生威儀庠序寶手爲手無著施手菩薩所行真實不虛施心廣大

朝六

十一

建立善根遠離憚貪具菩薩行於如來所得不壞信除滅惡道成就菩提菩薩摩訶薩施手足時以無量無邊曠大之心開淨法門入諸佛海見一切佛成就施手滿衆生意悉能受持一切種智菩提諸願修清淨心離煩惱纏得智身法身無斷無壞不可磨滅一切魔

業不能傾動親近善知識修習一切菩薩布施之所出生菩薩摩訶薩一切智境界施手足時如是迴向以此善根令一切衆生悉得寶手具神通力成寶手已各相敬重生福田心以種種寶更相供養又以衆寶莊嚴供一切佛與妙寶雲遍諸佛刹令一切衆生修習慈悲不相惱害遊諸佛刹安住無畏以少方便究竟神足以寶手香手衣手蓋手鬘手華手糾香手莊嚴具手無量華手無量香手普華以神通力詣諸佛刹供養諸佛能以一手遍摩一切諸佛世界能以神足自在之手持一切衆生手相成就放無量見能以一手普覆

衆生得佛縵網手足相好是爲菩薩摩訶薩大迴向手普覆衆生令一切衆生志常樂求無上菩提令一切衆生出生無量功德大海得忍辱心見來求者皆大歡喜觀無厭足入深法海逮得諸佛所共善根是爲菩薩摩訶薩施手足時善根迴向菩薩摩訶薩壞身出

朝六

十三

血布施衆生如法手菩薩喜心王菩薩等無量善薩摩訶薩於諸趣中無量生處於乞求者壞身出血而布施之以薩婆若心施喜菩提心施樂修菩薩行心施不計苦痛心施於來乞者無嫌恨心施趣向一切菩薩心施長養一切菩薩心施增廣菩薩善心施以不退轉心施不休息心施不惜己心施菩薩摩訶薩壞身出血布施時如是迴向以此善根令一切衆生具足菩薩法身智身令一切衆生成就微密金剛之身令一切衆生得無盡身清淨不壞令一切衆生得現化身遍滿十方一切世界令一切衆生得可樂身明淨鮮潔不可沮壞令一切衆生得法界生身於如來身無所染著令一切衆生得寶光明身無能壞者令一切衆生得智藏身於不死法而得自在令一切衆生得寶海身一切衆生所見不虛今一切衆生得虛空等身於諸世間無所染著是爲菩薩摩訶薩壞身出血布施善

根大乘心迴向清淨心迴向大心迴向歡喜心迴向大歡喜心迴向無厭足心迴向安樂心迴向不濁心善根迴向菩薩摩訶薩見有人來乞髓肉時歡喜輕語謂乞者言我身體肉隨意取用如饒益菩薩一切施王菩薩等無量善薩摩訶薩於諸趣中無量生處捨髓肉

時心大歡喜施心深廣不可測量一切菩薩所修習心無上大乘妙善根心捨離塵垢正直勝心於來求者施無盡心能捨自己愛重身心一向專求無量善根妙功德寶所覆之心善薩所行無厭足心大布施心離疑惑心於來乞者所布施物無中悔心分別布施不可沮壞令一切衆生得法界生身於如來求報心平等布施無選擇心菩薩摩訶薩施體肉時於諸佛所生尊父心令一切衆生清淨安住嚴淨現在諸世界中一切佛刹大悲現前救護衆生菩提現前十力明觀三世菩薩現前滿足善根無畏現前大師子吼三世現前智慧平等一切世間現前盡未來際修

菩薩願無憂現前修習無數諸菩薩行菩薩摩訶薩施體內時如是迴向以此善根令一切衆生得金剛藏不可壞身令一切衆生得微密身無有疎漏令一切衆生得佛清淨莊嚴如意法身令一切衆生得百福德身三十二相而自莊嚴令一切衆生得八十種好妙

莊嚴身具足十力不可斷壞令一切衆生逮得如來常住妙身不可測量令一切衆生得最勝身一切諸魔所不能壞令一切衆生悉得一身等三世佛令一切衆生得無礙身微妙清淨滿虛空界令一切衆生得菩薩藏身悉能含受一切衆生是為菩薩摩訶薩布施體肉一切智境界心善根迴向令一切衆生得佛常住無量法身菩薩摩訶薩見有衆生從乞心如無憂獸菩薩不動王菩薩如是等無量菩薩摩訶薩見有人來從乞心時歡喜施與學不斷施心一切無盡施心大檀波羅蜜心到檀波羅蜜彼岸心學一切菩薩行

布施心於一切施得無盡心修習一切大布施心建立一切菩薩施心現前正念諸佛施心充滿一切來求施心菩薩摩訶薩布施心時以清淨心施以度脫一切衆生心施以十力菩提境界心施以滿足大願心施以修習菩薩行心施以得薩婆若心施以不捨本願

朝六

主

心施以此善根迴向衆生令一切衆生得金剛藏心一切金剛圍山所不能壞得金剛莊嚴心離恐怖心不可勝心一切世間無能盡心勇健勝幢智慧藏心大那羅延高勝幢心衆生大海不可盡心不可沮壞那羅延藏心悉能壞散諸魔魔業魔軍衆心威武勇健大丈夫心無恐怖心大誓莊嚴勝堅固心最勝生菩薩心具諸佛法菩提莊嚴心坐菩提樹成就一切如來正法離諸愚癡一切種智正覺之心具十力心是為菩薩摩訶薩施心善根迴向衆生令一切衆生具足無著十力之心菩薩摩訶薩見有人來乞胸腎肝肺時如

難勝菩薩滅惡自在王菩薩如是等無量善
薩摩訶薩見有人來乞腸腎肝肺見已歡喜
以愛眼觀起菩提愛隨彼所樂悉滿其意歡
喜施與心不中悔正念觀察捨不堅固身取
堅固身我此纖身虎狼狐狗衆獸所食此身
無常可棄捨物菩薩摩訶薩如是觀已敬心
諦視來乞求者復作是念我若不施不得不
堅固中堅固無常中常不淨中淨菩薩摩訶
薩如是正念則能開發清淨直心解真實法
於來乞者生善知識心能教化我不堅固中
而取堅固善薩摩訶薩作是念已以此善根
迴向衆生令一切衆生得內外清淨智慧藏

身令一切衆生得智慧藏腹悉能受持一切
智願令一切衆生得清淨身見者無厭濱放
堅固妙香光明普熏十方令一切衆生逮得
如來腹不現相身宜相稱支節具足令一切
衆生得法味食長養智身具佛法愛柔軟充
滿令一切衆生得無盡身安住法身令一切

衆生得內清淨總持藏身一切辯明普照諸
法令一切衆生得清淨身內外悉淨令一切
衆生得如來智修習行身普兩甘露智慧法
兩令一切衆生悉得內身清淨寂靜外身能
爲衆生作智慧幢王照明一切是爲菩薩摩
訶薩施腸腎肝肺善根迴向衆生令一切衆
生悉得內外清淨之身安住堅固無障礙智

大方廣佛華嚴經卷第十八 朝六 十六末

大方廣佛華嚴經卷第十九 朝七

東晉天竺三藏佛陀跋陀羅等譯

金剛幢菩薩迴向品之五

菩薩摩訶薩見有來乞支節諸骨如法藏菩
薩夜光菩薩如是等無量善薩摩訶薩施支
節骨見來求者生大歡喜心明淨心寂靜心

陳德甫